

"Еуразиялық экономикалық қоғамдастыққа мүше мемлекеттердің ортақ сақтандыру нарығын құру туралы хаттаманы ратификациялау туралы" Қазақстан Республикасы Заңының жобасы туралы

Қазақстан Республикасы Үкіметінің 2012 жылғы 9 маусымдағы № 769 Қаулысы

Қазақстан Республикасының Үкіметі **ҚАУЛЫ ЕТЕДІ:**

"Еуразиялық экономикалық қоғамдастыққа мүше мемлекеттердің ортақ сақтандыру нарығын құру туралы хаттаманы ратификациялау туралы" Қазақстан Республикасы Заңының жобасы Қазақстан Республикасының Парламенті Мәжілісінің қарауына енгізілсін.

Казакстан

Республикасының

Премьер-Министри

К. Мәсімов

Жоба

ҚАЗАҚСТАН РЕСПУБЛИКАСЫНЫҢ

**ЗАҢЫ Еуразиялық экономикалық қоғамдастыққа мүше мемлекеттердің
ортақ сақтандыру нарығын құру туралы хаттаманы
ратификациялау туралы**

2009 жылғы 27 қарашада Минскіде жасалған Еуразиялық экономикалық қоғамдастыққа мүше мемлекеттердің ортақ сақтандыру нарығын құру туралы хаттама ратификациялансын.

Казакстан

Республикасының

Президенті

**Еуразиялық экономикалық қоғамдастыққа мүше мемлекеттердің
ортақ сақтандыру нарығын құру туралы
ХАТТАМА**

Бұдан әрі Тараптар деп аталатын Еуразиялық экономикалық қоғамдастыққа (бұдан әрі - ЕурАЗЭК) мүше мемлекеттер

2000 жылғы 10 қазандығы Еуразиялық экономикалық қоғамдастықты құру туралы шартты басшылыққа ала отырып,

2003 жылғы 27 сәуірдегі Еуразиялық экономикалық қоғамдастық шеңберінде сақтандыру саласындағы ынтымақтастық туралы келісімде (бұдан әрі - Келісім) көзделген ережелерді дамытуда, өзара тиімді экономикалық ынтымақтастықты терендету және даму үшін

Тараптардың ортақ сақтандыру нарығын құрудың мақсатқа сай болатынын мойындай
о т ы р ы п ,

сақтандырып қадағалаудың және сақтандыру қызметін реттеудің жалпы мүдделерін
н е г і з г е а л а о т ы р ы п ,

Тараптардың сақтандыру қызметін реттейтін заңнамасын халықаралық
стандарттарға сәйкес келтіру жөніндегі шараларды қабылдау қажет деп есептей
о т ы р ы п ,

төмендегілер туралы келісті:

1-бап

Осы Хаттаманың мақсаттары Тараптардың ортақ сақтандыру нарығын құру,
ЕурАЗЭҚ шенберінде ортақ сақтандыру нарығына қатысуышылардың құқықтары мен
мүдделерін қорғау жөніндегі шараларды әзірлеу және қабылдау болып табылады.

2-бап

Осы Хаттамада пайдаланылатын ұғымдар мыналарды білдіреді:
«ортақ сақтандыру нарығы» - Тараптардың аумағымен шектелген, онда
Тараптардың заңнамасымен Тараптардың барлық сақтандыру нарықтарына
қатысуышылардың құқықтары мен мүдделерінің сақталуына және қорғалуына кепілдік
берілетін экономикалық кеңістіктің бір бөлігі;

«ортақ сақтандыру нарығына қатысуышылар» - сақтандыру (қайта сақтандыру)
ұйымдары, сақтандыру агенттері мен брокерлер, актуарийлер, сақтанушылар,
сондай-ақ әрбір Тараптың заңнамасына сәйкес айқындалған өзге де тұлғалар;

«сақтандыру қызметін тұтынушы» - сақтандыру мүддесі сақтандырып қорғау
объектісі болатын сақтанушы, сақтандырылушы, пайда алушы.

3-бап

Тараптар ортақ сақтандыру нарығын құру жөніндегі келісілген шараларды
қ а б ы л д а й д ы .

Тараптар сақтандырып қадағалау мен сақтандыру қызметін реттеу органдарының
қызметін регламенттейді, Тараптардың сақтандыру ұйымдарының тәуекелдерді қайта
сақтандыру жүйесіне бірыңғай тәсілдерді енгізеді, Тараптардың сақтандыру қызметін
реттейтін заңнамасын үйлестіреді.

Ортақ сақтандыру нарығын құру әрбір Тараптың қалыптасқан макроэкономикалық
жағдайлары ескеріле отырып, кезең-кезеңмен жүзеге асырылады.

Әр кезеңнің басым міндеттерінің тізбесі және оларды іске асыру мерзімдері
Тараптардың келісімі бойынша белгіленеді.

4-бап

Тараптар ортақ сақтандыру нарығын құру мақсатында Тараптардың сақтандыру қызметін реттейтін заңнамасын үйлестіруге, Тараптардың ортақ сақтандыру нарығына қатысуышылардың құқықтары мен мұдделерін сақтандырып қорғаудың ортақ жүйесін қалыптастыруға, сондай-ақ Тараптар сақтандыру нарықтарын реттеу мен сақтандыру қызметін қадағалау саласында жүргізетін мемлекеттік саясатқа қойылатын бірынғай талаптарды өзірлеуге бағытталған міндеттер кешенін іске асырады.

О с ы м а қ с а т т а Т а р а п т а р :

1) Тараптардың сақтандыру қызметін реттейтін заңнамасының ережелерін халықаралық стандарттардың талаптарына және сақтандырып қадағалаудың халықаралық практикасына сәйкес келтіреді;

2) өздерінің іс-әрекеттерін Келісімге сәйкес, оның ішінде бір Тараптың аумағында орналасқан басқа Тараптың сақтандыру (қайта сақтандыру) ұйымдары құрған еншілес сақтандыру (қайта сақтандыру) ұйымдарының қызметін қадағалау жөніндегі бірлескен іс-әрекеттер арқылы үйлестіреді;

3) м ы н а л а р д ы :

сақтандыру (қайта сақтандыру) ұйымдарын лицензиялаудың жалпы қағидаттарын; көлік құралдары иелерінің азаматтық жауапкершілігін міндетті сақтандыруды жүзеге асырудың ортақ тәсілдерін; сақтандыру (қайта сақтандыру) ұйымдарының жарғылық капиталын қалыптастыру тәртібіне қойылатын бірынғай талаптарды;

сақтандыру резервтерін қалыптастыруға қойылатын бірынғай талаптарды; сақтандырудың түрлерін (сыныптарын) жіктеуге қойылатын бірынғай талаптарды; сақтандыру қызметін тұтынушылардың құқықтары мен мұдделерін қорғау жөніндегі бірынғай талаптарды;

сақтандыру (қайта сақтандыру) ұйымдарының төлем қабілеттілігіне және қаржылық тұрақтылығына қойылатын талаптарды айқындаудың бірынғай қағидаттарын;

Тараптардың резидент еместеріне қайта сақтандыруға тәуекелдерді беру тәртібіне қойылатын бірынғай талаптарды белгілейді.

5-бап

Осы Хаттаманың ережелерін іске асыру үшін қажетті ақпарат алмасуды Тараптардың сақтандырып қадағалау мен сақтандыру қызметін реттеу органдары жүзеге асырады.

6-бап

Осы Хаттаманы іске асыру жөніндегі жұмысты үйлестіру ЕурАЗЭҚ-тың Интеграциялық Комитеті жаңындағы Сақтандырып қадағалау мен сақтандыру қызметін реттеу органдары басшыларының кеңесіне жүктеледі.

7-бап

Осы Хаттама Тараптардың өздері қатысушылары болып табылатын басқа да халықаралық шарттар бойынша құқықтары мен міндеттемелерін қозғамайды.

8-бап

Осы Хаттама күшіне енгennен кейін ЕурАЗЭҚ-қа мүшелікке қабылданған кез келген мемлекеттің оған қосылуы үшін ашық. Осы Хаттамаға қосылу туралы құжаттар ЕурАЗЭҚ-тың Интеграциялық Комитеті болып табылатын депозитарийге сақтауға тапсырылады.

Осы Хаттама қосылған мемлекеттерге қатысты депозитарийдің қосылу туралы құжатты алған күнінен бастап күшіне енеді.

9-бап

Осы Хаттамаға Тараптардың өзара келісімі бойынша жекелеген хаттамалармен ресімделетін өзгерістер енгізілуі мүмкін.

10-бап

Осы Хаттаманың ережелерін түсіндіруге немесе қолдануға қатысты Тараптар арасындағы даулар мен келіспеушіліктер мүдделі Тараптар арасындағы консультациялар және келіссөздер жолымен шешіледі, ал келісімге келмеген жағдайда Тараптардың келісімі бойынша Қоғамдастық Сотының қарауына беріледі.

11-бап

Осы Хаттама оның күшіне енуі үшін қажетті мемлекетішлік рәсімдерді Тараптардың орындағаны туралы соңғы жазбаша хабарлама депозитарийге сақтауға тапсырылған күннен бастап күшіне енеді.

Әрбір Тарап болжамдалған шығу күніне дейін 6 айдан кешіктірмей, ол жөнінде депозитарийге жазбаша хабарлама жібере отырып, осы Хаттамадан шыға алады.

2009 жылғы 27 қарашада Минск қаласында орыс тіліндегі бір түпнұсқа данада жасалады.

Осы Хаттаманың түпнұсқа данасы ЕурАЗЭҚ-тың Интеграциялық Комитетінде сақталады, ол әрбір Тарапқа оның қуәландырылған көшірмесін жібереді.

*Беларусь
Республикасы
үшін* *ушін* *ушін*
*Ресей
Федерациясы
үшін* *ушін*

*Қазақстан
Республикасы
ушін*

*Қыргыз
Республикасы
Тәжікстан
Республикасы*

Осы арқылы бұл мәтіннің 2009 жылғы 27 қарашада Минск қаласында Беларусь Республикасының Президенті А.Г. Лукашенко, Қазақстан Республикасының Президенті Н.Ә. Назарбаев, Қыргыз Республикасының Президенті К.С. Бакиев, Ресей Федерациясының Президенті Д.А. Медведев, Тәжікстан Республикасының Президенті Э. Рахмон қол қойған Еуразиялық экономикалық қоғамдастықтың Мемлекетаралық Консультативтік органдары деңгейінде) № 442 шешімінде толық және дәлме-дәл көшірмесі болып табылатынын куәландырамын.

Тұпнұсқа данасы Еуразиялық экономикалық қоғамдастықтың Интеграциялық Комитетінде сақталады.

*EурАЗЭК ИК Хатшылығының Құқықтық
департаменті басшысының орынбасары М. Малдыбаев*

2009 жылғы 27 қарашада Минск қаласында жасалған Еуразиялық экономикалық қоғамдастықта мүше мемлекеттердің ортақ сақтандыру нарығын құру туралы Хаттаманың мемлекеттік және орыс тілдеріндегі бейресми аудармаларының дұрыс екендігін растаймын.

*Қазақстан Республикасының
Ұлттық Банкі
Төрағасының орынбасары Б. Тәжіяқов*